

ANG PAGSUGOD SANG SIMBAHAN... (4 KA BUTANG)

● UNA –GINTANDOG SANG ESPIRITU... vs. 37

- o Sang nabatian sang mga tawo ang mensahi ni Pedro-natandog gid sila... vs. 37
 - Natandog gid nga daw napilas – kaangay sa marka sang tiil sang kabayo sa duta...
 - Ang tagipusoon sang mga Judio tig-a tungod sang sala-daw tig-a nga duta nga wala kabuhi...
 - **Jeremias 23:29** - “Indi bala nga *gamhanan* ang akon pulong? Pareho ini sa kalayo nga *makasunogukon* sa martilyo nga makadugmok sang bato”
 - Nakita nila ang ila mga sala kag nagpakitluoy kay Pedro- ‘ano dapat amon himuon’...
 - Mga malaot nga mga tawo gulpi lang natandog kag nagapanawag kay Jesus!
 - Indi si Pedro kundi sa Pulong sang Dios kag sa gahom sa Espiritu!
- o Ang kalibutan puno sang simbahan wala unod/ang mga pastor nagawali sa tig-a nga mga tagipusoon.
 - **Nakita naton ang ini nga mga reaksiyon-blanko kun mag-istoray kita parti kay Jesus...**
 - **Daw ang mga tawo subong mga bungol kun parti na kay Jesus...**
 - **Ang mensahi sang Maayong Balita wala na gahom sa maglab-ot sang mga makasasala...**
 - **Ang problema indi sa mensahi-ang problema kulang ang gahom!**
- o Sang 19th century ang England (Whales) nagpalayo sa Ginoo...
 - **Nag pangamuyo ang gamay nga banwa sang gahom sang Espiritu sang Dios...**
 - **Ang Dios nagsabat paagi sa pagbubo sang Iya gahom-kag dako ang pagbag-o...**
 - **Ang mga tawo gasulod lang sa simbahan naga hinulsol sang ila mga sala...**
 - **Ang mga ilimnan nag sira- wala na tawo-ang mga krimin nag untat-wala na obra ang mga pulis...**
 - **Ang mga minahan nagsira man-kay wala na gapamuyayaw ang mga tawo ang mga asno kag baka indi maka intiendi sa ila...**
 - **Puno ang mga simbahan-mga 150,000 ang nagtuad nga si Jesus ang Ginoo!**
 - **Indi naton matandog ang tig-a nga tagipusoon sang makasasala nga mga tawo...**
 - **Ang mga programa pareho lang sa papel nga nahaboy sa cemento nga dingding...**
 - **Pero ang GAHOM sang Espiritu makaguba kag makadala sang pinaka makasasala sa iya tuhod!**
 - **Ang DYNAMITE sang Espiritu makaguba biskan sa mga pinakatig-a nga dingding...**
 - **Kag maabri ang mga tagipusoon sa kay Jesus!**

● IKA-DUHA –PAGSABAT SA ESPIRITU ... vs. 38-39

- o 1st –Siling ni Pedro sa mga tawo– ‘Dapat maghinulsol’... vs. 38
 - Ang una nga tikang sang kaluwasan amo ang paghinulsol...
 - Ang paghinulsol buot silingon-islan ang direksyon- maliso pabalik...
 - Wala nahadlok si Pedro sa pagsugid nga makasasala sila-pakadto sila sa impierno...
 - Dapat ma U-TURN kun gusto nila mapa langit!
 - Wala sang may nanamian kun ipakita naton ang ila sala- mangakig sila...
 - **Likawan kita nila indi sa aton ginhimo**
 - **Kundi sa imo ginahambal nga sila makasasala.**
 - **Kay tungod sa imo ginahambal ginatandog ang ila tagipusoon kay nagapakasala sila...**
 - **Amo ina ang rason nga damo mga tawo indi namian magsimba ukon magbasa Bibliya...**
 - **Kay ginatandog sila tungod sang ila sala-nagapalayo sila sa Ginoo!**
 - **Indi kita makapilit sang tawo pabalik kay Jesus- maka warning kita-Hebreo 3:13**
 - **Ang pinsar naton mas maayo kun pabay-an ang isa ka tawo nga ara sa sala...**
 - **Pero ang kamatuoran kun pabay-an ang tawo sa sala-ginatugyan sila sa impierno...**

- Ang pagpatawad indi nga nagpangasubo kundi may pagbag-o nga kabuhi...
 - Kun may nahubog-pagka aga sakit ang ulo, may pilas, may lagob-wala gani kadumdom...
 - Dason masumpa nga indi na magsulit kay miserable ang kabuhi...
 - Pero tapos isa ka bulan/semana/adlaw nagliwat naman...
 - Kun padayon pagpakasala kag indi kita magpalapit kay Jesus-wala gid pag bag-o...
 - Ang tuod nga paghinulsol makita sa pag bag-o nga kabuhi-indi na pareho sang una!
 - Indi nga perpekto na kita-pero bag-o nga kabuhi-nagahandom sa pagkabuhi kay Jesus!
 - **2 Corinto 7:10** – “Kay ang kasubo sang Dios nagadala sa tawo sa paghinulsol, kag nagaresulta sing kaluwasan. Pero ang kasubo sang mga tawo nga wala nagakilala sa Dios nagadala sa ila sa kamatayon.”
- o 2nd - Dapat magpabautiso...
 - Bautiso isa ka mando sa tumulo ni Jesus...
 - Pag pa bautiso indi bahin sang isa ka denominasyon kundi bahin kita ni Jesus...
 - Pero ang pag bautiso indi makaluwas, kaangay sang kawatan sa krus- **Roma 6:4**
 - Nagapakita ini sang paghugas sang sala- paghugas sang Dios...
 - Ang daan nga kabuhi ginpatay-ginlubong upod kay Cristo-na bata liwat-bag-o nga kabuhi!
- o 3rd – Resulta sang pagpatawad/pag bautiso-makabaton ka sang pagpatawad...
 - **I Juan 1:9** – “Pero kon ituad ta sa Dios ang aton mga sala, masaligan siya sa pagpatawad sang aton mga sala...”
 - Makabaton kita sang pagpatawad kun handa kita magtuad kag maghinulsol kay Jesus...
 - Biskan ano pa aton nahimo-ano man nga kabudlayan-ihatag kay Jesus...
- o 4th - Makabaton ikaw sang regalo sang Balan nga Espiritu... vs. 40
 - Siling ni Pedro ang regalo sang Espiritu para sa ila mga bata kag mga apo...
 - Kag didto sa mga malayo-sa tanan nga nagtuo kay Jesus!
 - Ang Balaan nga Espiritu importante nga bahin sang simbahan/ importante sa tanan...
 - Ngaa wala kita mabatian parti sang Espiritu sa mga simbahan...
 - May mga denominasyon nga naga lalis nga ang regalo sang Espiritu para lang sang una...
 - Kinanglan ang pagsugid sang Bibliya upod ang Balaan nga Espiritu.
 - Ang Ginoo naghatag sang Espiritu sa pagpabakod sang simbahan...
 - Sang na kompleto na ang mensahi sang Dios-indi na kinahangalan ang regalo-**1 Corinto 13:9-10**...
 - Gin klaro ni Pedro-ang regalo sang Espiritu para sa tanan nga henerasyon!
 - Ang aton lang himuon mangayo kag ang regalo sang Espiritu para sa tanan subong!
- 3rd – **ANG RESULTA SANG ESPIRITU ... vs. 40-41**
 - o Nagpadayon pa gid si Pedro panudlo ... vs. 39
 - Indi lang gusto ni Pedro nga mamati sila sang Pulong-gusto niya magtubo sila kay Jesus...
 - Basi mapinsar ka tapos na imo obra kay nagbaton na sila kay Jesus- sugod pa lang ini...
 - Indi mo gusto bayaan ang bag-o bata nga mag atipan sang iya kaugalingon...
 - Wala kita gintawag nga manugid lang kay Jesus-dapat mangin sumulunod - **Mateo 28:20**
 - Maluwas sa sini nga tiko (*scolios*) nga henerasyon...
 - Gin paathag ni Pedro ang tinaga nga ‘scoliosis’- kiwi/tiko nga likod...
 - Ang pinaka importante natiko kag dali nalang matumba!
 - Wala kinalain ang inadlaw sang pagsulat sang Binuhatan nga libro kag subong...
 - Ang kalibutan tiko gihapon-kun magsalig kita sa kalibutan-upod kita dagdag!
 - Ang aton lang nga paglaom si Jesus-sa gahom sang Espiritu nga magbulig patindog sa aton!

- o Mga 3000 ka mga tawo ang nagtuo kag gin bautiso... vs. 41
 - Ang numero indi aksidente -kunid paanggid...
 - Ang Pentecoste ginahiwat bilang padumdom sang adlaw nga ginhatag ang Layi sa Mt. Sanai
 - Ang adlaw nga si Moises nanaog kag ang Israel nagsimba sa Bulawan nga baka...
 - Sang pagtawag ni Moises- 'sin-o sa bahin sang Ginoo-palapit sa akon.' - **Exodus 32:28**
 - Laban sa mga Israel nagpalapit kay Moises (kag ang tanan nga tribu ni Levi)...
 - Nagmando si Moises nga ipatyon ang tanan nga wala nagpalapit sa Ginoo...
 - Sa adlaw nga ang layi ginhatag-3000 ka mga Israel ang ginpatay...
 - 1200 ka tuig nagligad-amo man nga adlaw-ang Balaan nga Espiritu ginhatag...
 - 3000 ka tawo ang ginhatagan kabuhi- kag ang simbahan nabata!
 - **2 Corinto 3:6** - "Siya ang naghatag sa amon sang ikasarang agod masaysay namon sa mga tawo ang bag-o nga paagi nga iya ginhimo agod kita nga mga tawo makapalapit sa iya. Ining bag-o nga paagi indi paagi sa ginsulat nga Kasuguan kundi paagi sa Espiritu Santo. Kay ang ginadala sang Kasuguan silot nga kamatayon, pero ang Espiritu Santo nagahatag sang kabuhi."
 - Ang Layi sang Dios- upod ang mga pagsulundan-indi makaluwas sa tawo...
 - Kaangay sang karatula 'basa nga pinta'-mas nagid gani nga gusto tandugon...
 - Ang gahom sang layi nagapakita nga makasasala kita-makadala lang sang kamatayon...
 - Kay ang Layi wala gahom sang pagkambyo sang aton handom-pagpag-o sang tagipusoon...
 - Pero ang gahom sang New Testament-ang gahom sang Espiritu- ang bag-o nga tagipusoon!
 - Ano ayhan ang matabo- pila ayhan ang maluwas...
 - Kun ang simbahan ma untat tudlo relihiyon kag mga layi...
 - Kag maglakat sa gahom sang Espiritu sa paghatag sa mga tawo sang paglaom ni Jesus!
- **4TH – ANG MODELO SANG SIMBAHAN ... VS. 42-47**
 - o Sang pagsugod sang simbahan may 4 ka butang sila nga ginahimo... vs. 42
 - Ang doktrina sang mga Apostoles-pagpanudlo parti kay Jesu Cristo...
 - Ang pinakadako nga problema sang simbahan subong-may gutom...
 - **Amos 8:11** - "Indi kagutom sa pagkaon kag tubig kindi kagutom sa pagpamati sang mensahi sang Dios."
 - Wala nagatubo ang tawo sa Ginoo kay wala sang may naga tudlo sa ila!
 - 20-30 ka tuig nga Kristohanon ang ila lakat bata gihapon sa pagtuo!
 - **Hebreo 5:12** - "Dapat kuntani mga manunudlo na kamo kay dugay na kamo nga nagtuo, pero hasta subong kinahanglan pa gid kamo nga tudluan sang mga panguna nga mga pagtulun-an parte sa pulong sang Dios. *Pareho gihapon kamo sa mga lapsag nganagakinahanglan sang gatas tungod kay indi pa kamo makakaon sang matig-a nga mga pagkaon.*"
 - Kay ang mga simbahan mas gusto pa nila nga lingawon ang mga tawo sang sa magtudlo!
 - Kun lingawon lang ang mga tawo-indi naton mahatag ang ila kinahanglan!
 - Ang Pulong sang Ginoo ang naga tadlong/naga tudlo para magtubo – **2 Timoteo 3:16**
 - Fellowship-Pagtipon upod sa mga tumuluo-para mapabakod ang paglakat kay Jesus...
 - Ang paglakat sa simbahan indi makaluwas sa imo-pero makabulig nga indi ka magpalayo...
 - Hapos lang maghimo sang sala kag pa patihon imo kaugalingon nga insakto ka...
 - Amo ina ang rason nga hambal sang Ginoo magtipon sa simbahan- **Hebreo 10:25**...
 - Para nga magbantay sa isa kag isa nga indi magpalayo-magbuligay tudlo balik sa Ginoo...

- Communion-Pamihak pihak sang tinapay sa pagdumdom sang sakripisyo ni Jesus – **Lucas 22:19...**
 - Naga hiwat kita sang communion para indi malipat nga indi kita tag-iya sang aton kabuhi...
 - Ang Ginoo nagbayad sang aton kabuhi- Ginluwas niya kita sa krus– **I Corinto 6:20**
 - Ang aton sabat sa regalo sang kaluwasan- ang pag hatag sang bug-os nga kabuhi kay Jesus!
- Pangamuyo- maghatag sat ion sap ag-istorya kay Jesus...
 - Handom sang Ginoo nga mag istorya kita sa Iya-gusto Niya may relasyon sa Iya mga bata...
 - Ang pangamuyo dapat mag istorya sa aton Amay sa langit...
 - Paano kita nga may relasyon kay Jesus pero wala man naga istorya sa Iya...
 - Maghatag tion sa pagpamati sa kaalam Niya para sa aton kabuhi!
- Madamo nga mga ideya parti kun ano dapat ang simbahan...
 - Ang iban nagapinsar nga building ini nga may mga pulungkuan kag sound system...
 - Ang iban tradisyon nalang -mailis nami nga bayo kag magsimba...
 - Pero ang modelo nga simbahan sa libron sang Binuhatan parti lang tanan kay Jesus...
 - Ang simbahan dapat maghatag tion nga magtuon sang Pulong sang Dios...
 - Siguraduhon nga magtipon ang mga tumuluo-buligay tudlo balik kay Jesus...
 - Ang simbahan dapat permi nagahiwat communion-pagdumdom sang sakripisyo ni Jesus...
 - Ang simbahan dapat may tion sa pagpangamuyo – pag istorya kay Jesus!
- o Ang resulta sang napun-an sang Espiritu nga simbahan... vs. 43-47
 - Outreach – naglakat kag nangwali-may pagtahod kag kahadlok sa Dios
 - Ang mga Apostoles naghimo sang mga milagro-nagpang-ayo kag nagpang banhaw!
 - Nakita ang gahom sang Dios-ang kalibutan nagtahod kag nagrespeto sa simbahan...
 - Gamay ang respeto sang kalibutan sa simbahan kay ang simbahan kaangay sa kalibutan!
 - Pero kun ang simbahan sentro kay Jesus-puno sang Espiritu-ang kalibutan nahadlok...
 - Kay makita nila ang sabat nga ila ginapawalaan ara sa aton sa kabuhi!
 - In reach – ang mga nagtuo naghatag sa mga may kinahanglan...
 - Kita nga mga tumuluo gintawag nga magbulig sa mga may kinahanglan...
 - Kun may nagutom kag hambalan lang naton – God bless-ano mabulig sina - **Santiago 2:16**
 - Paano kita ka kahambal parti kay Jesus pero wala man kita nagabulig sa iban...
 - Paagi sa pagpakita sang Gugma sang Dios-mapabakod naton ang isa kag isa kay Cristo!
 - Pagtubo sang simbahan- adlaw adlaw ginadugang sang Ginoo sa ila ang mga tawo...
 - Ang mga tumuluo adlaw adlaw ara sa templo kag naga pamalay balay
 - o Indi importante kun diin sila nagtipon-sa building man ukon sa balay...
 - o Gusto lang sila magtuo kag mag-istorya parti kay Jesus!
 - Nagasimba sila sa Ginoo kag malipayon sa pag ambitanay sa pagkaon!
 - o Wala sila nag himo sang mga programa para sa mga tawo...
 - o Si Jesus ang ila ginsimba kag nagpun-an sila sang gahom sang Espiritu...
 - o Kag ang Dios (indi tawo) ang nagdugang sa simbahan adlaw adlaw nga Iya ginluwas!